

15 Но иное ест жилище на небеси наше,
то дом мой, то покой мой, — се странница бяше.
Убо и о падежи сей не печалую,
достигох в дом отческий, странниц не требую.

IV

Вѣдый, гдѣ сокровище требѣ сокривати,
20 всегда духом восходих в горняя полати.
Тамо бысер мой драгий, тамо золото наше,
тамо и сердце мое выну пребываше.
Всуе бо смерть подкопа ми дом^а сей тѣлесный,
аще цѣл и безбѣден храм ми ест небесный.

V

25 Луну, рода моего знамение красно,
умирай, на себѣ изобразих ясно;
Идѣже бо землею покровен бываю,
тамо, яко же луну, свѣт мой помрачаю.
Но горѣ свѣт тройчнаго солнца безконечный
30 выдящи, сам на себѣ прииму зрак солнечный.

VI

Слышах о Иаковѣ, на камени спящем
и простерту до небесь лѣствицу видящем.
Ревновах ему, и гроб себѣ рождшей дѣвы
избрах во возглавие,^б сном смерти почивий.
35 Вижду тя, о лѣствице, сведшую нам бога!
Доведи мя, Марие, горняго чертога.

VII

Вся рѣкы изначала малые бывают,
но, текуще пут долгый, воды умножают.
Подобнѣ и Варлаам, учения ради
40 пройде страны многия и многие грады.
И тако, от отчества далече странствуя,
зѣло себѣ умножи премудрости струя.

VIII

Корабль во волнах морских хотя спасен быти,
не жалѣет користи и куплѣ губыти.
45 В мирѣ, аки на морѣ, видѣх люти волны,
Варлаам сотворися нищий произвольный.
Отвержесе и купель сотворил спасенну,
припли ко пристаннищу, добру нареченну.

Symbolum I

Громогласнем страшной трубѣ бяше равна
твоя, о Варлааме, проповѣдь преславна;
Имуща в себѣ силу и дух божественный,
даде в полцех божних глас многодѣйственный,
Крѣпляше сердца вѣрних, веселяще слухы,
зловѣрным же и гордим отѣемляше духы.

^а В ркп. дѣй.
в ркп. чловѣка.

^б Испр. по ркп. Киево-Михайловского монастыря № 569 (1718 г.);